

155

DISSERTATIO INAUGURALIS MEDICA,  
SISTENS  
DIVINUM HIPPOCRATIS  
IN MORBIS EPIDEMICIS  
MALIGNIS.

---

QUAM  
RECTORE VNIVERSITATIS MAGNIFICENTISSIMO,  
SERENISSIMO PRINCIPE AC DOMINO,  
DOMINO  
JO. CAROLO LUDOVICO,  
COMITE PALATINO RHENI, DUCE BAVARIÆ,  
COMITE VELDENTIÆ ET SPONHEMII rel. rel.

PERMITTENTE  
GRATIOSA FACULTATE MEDICA,  
PRÆSIDE  
PRO - RECTORE MAGNIFICO,  
VIRO EXCELLENTISSIMO ET EXPERIENTISSIMO  
DOMINO  
CHRISTIANO LUDOVICO  
MOEGLING,

MEDICINÆ DOCTORE, EJUSDEMQUE PROF. PUBL. ORD.

PRO LICENTIA

SUMMOS IN MEDICINA HONORES LEGITIME OBTINENDI

Die Nov. MDCCLVIII.

PUBLICÆ DEFENDET

AUCTOR & RESPONDENS

CHRISTOPHORUS GODOFREDUS PICHLER,  
Brackenheimensis.

---

TUBINGÆ, TYPIS BAUHOF - ET FRANCKIANIS.



Digitized by the Internet Archive  
in 2019 with funding from  
Wellcome Library

<https://archive.org/details/b30785492>





Σ.

Θ.

## §. I.



Antea est homini aëris necessitas, ut, postquam ab aquis uteri emerferit, & semel tantum aërem hauserit, illius usu postea toto vitæ tempore carere nequeat; tantæ enim est necessitatis inspirationis & expirationis reciprocatio, ut sine alimento ad aliquot dies vita protrahi possit, sine aëre vero non nisi ad pauca momenta vita subsistat.

## §. II.

Quam summe vero necessarius ad vitam conservandam aër sit, tamen plurimas corpori affert ægritudines, quin interdum subitanæ mortem; Causæ horum effectuum quidem satis sunt explicatæ, quoniam vero effectuum horum causas veteres physice explicare non potuerunt, & aliquid



divini aëri inesse ipsis visum fuit, operæ pretium esse duxi, paucis ostendere, quid sibi velit τὸ θεῖον Hippocratis. Et enim causas diversas aëris effectuum: e. g. morborum malignorum epidemicorum, endemiorum non tam distincte, & profundiorē ὕψι situm in barometro tempore nebuloso, pluvioso, veteres vix sciverunt; nota autem ipsis fuerunt aëris gravitas, effluvia, aliæque multæ aëris qualitates, ut adeo tantum ipsis occultas, nunc vero detectas, qualitates τὸ θεῖον nominaverint. Nec inepte effluvia illa venenosa in aëre volitantia τὸ θεῖον vocarunt, siquidem insignem interdum stragem hominum æque ac animalium excitant. Lubuit ergo hancce materiam pro Themate inaugurali seligere, hocce τὸ θεῖον pro viribus ulterius explicare.

### §. III.

Constat, aërem, fluidum illud invisibile, grave & elasticum esse, totumque nostrum terraqueum globum ambire; constat quoque, ipsi semper particulas varias heterogeneas immixtas esse, aqua enim aliæque liquida portionem sui continuè in aërem exhalant, & observamus in nobismet ipsis ac aliis animalibus, quod continuè vaporem quendam transpiremus; sensus docent, vegetabilia quoque omnia portionem sui in auras emittere, quod olfactus in vegetabilibus odoriferis satis abunde testatur. Notum est, quantum ex corporibus putrescentibus, aquis stagnantibus & putrescentibus, variis fordibus, hominum excrementis, cruore animalium, cadaveribus variis, aut plane non aut negligenter sepultis, in aërem dissipetur, imo quod putrefactio Corpora vegetabilium & animalium penitus fere dissolvat & per aërem dispergat;





dispergat ; Fodinæ pariter Mineralium diversæ qualitatis particulas in aërem exhalant ; imo nullum fere corpus nominari potest , cujus non portio in auram rapiatur ; adeoque stupenda effluviorum quantitas omni tempore omnique momento in aëre hospitatur , & sic replent effluvia aërem s. athmosphæram tanquam receptaculum effluviorum omnis generis è terramarique nec non innumeris diversissimis animalibus exhalantium.

#### §. IV.

Progredior ergo ad aëris effectus & usus pro vita & sanitate humana , nec non quomodo ejusdem variæ qualitates morborum mortisque Causa sæpius existant ; Vitam & sanitatem degimus in aëre nos circum circa ambiente, resistentia ergo aëris externi elateri cordis & vasorum ac interni aëris respondeat, quo minus vi sua elastica nimis agat in fluida & solida, necesse est ad vitam & sanitatem commode degendam, & vigente hoc æquilibrio corpora animata gaudent sanitate integra, sublata autem reciproca hac actione & reactione mox oriuntur incommoda satis notabilia.

#### §. V.

Cæterum evictum est , aërem moderate calidum & siccum, serenum, gravem, hominibus sanis omnium esse saluberrimum ; testatur enim infrangibilis experientia , homines ratione animi & corporis longe agiliores , vivaciores & ad motus & laborem alacriores esse sub aëre temperato, puro, sicco, qualis est vernalis & ventis ex oriente flantibus , quam sub



aëre turbido, humido, vappido, sub flatu ventorum Austri & Zephyri, & qualis maximè autumnali tempore regnat.

## §. VI.

Quam utile vero ad vitales motus, systolen nempe & diastolen solidorum & circulum sanguinis atque humorum moderandum, atque in debita proportionem & qualitate conservandum aëris fluidum temperatum & elastica vi præditum, est, tam infensum quoque est illud ipsum vitæ & sanitati, invertendo motus ordinatos, humiditate, calore aut frigore excedente, vel etiam levi & rarefacto nimis, vel nimis compresso & gravi, vel nimis exhalationibus & vaporibus prævæ indolis repleto, tum vim suam amittit, ut ad vitam & respirationem tuendam plane fiat inutile, uti patebit ex §. §. seqq.

## §. VII.

Hic ergo aër, corpora nostra circum ambiens & cujus pabulo fruimur, si justo fuerit levior, & internus sui juris factus, se expandit, & anxietates præcordiorum ac Lypothymias inducit, imo sanguis ibi, ubi minus est resistentiæ, erumpit, idem aër justo levior, dum vasa pulmonum sanguifera non satis premit, hæc humorum impulsui cedere facit, dilatat, sanguinem in pulmonibus accumulat, sicque aut vasa rumpit, aut suffocationem inducit; Saltem ægròs reconvalescentes, sub Præii demissiori situ, nec vires nec appetentiam, nec somnum quietum & digerendi vim, recuperare posse, & vires ingenii & corporis in sanis vacillare, fibrasque esse relaxatas, vasa tumida, observamus.

## §. VIII.





## §. VIII.

Quanto majus vero damnum aër justo levior corpori nostro affert, tanto minus aër solito gravior primo intuitu nocere videtur; Sed etiamsi pondus ejus ad superficiem corporis externam non facile obsit, tamen in negotio respirationis insignem exserit efficaciam; observatur enim, aërem nimis gravem comprimere canales omnes & humores totius corporis, maxime autem in pulmonibus, motui humorum & sanguinis per illa vasa nimium resistit, unde magnum cordi negotium faceffit,

## §. IX.

Quatenus vero aër omnis generis effluviis scatet, in diversis locis diversimode eadem effluvia nunc huic, nunc illi corpori applicat, hocque corpora plus minusve mutat. Sic aër frigidus nervis quam maxime est inimicus, tendineas & nerveas fibras contrahit, cutim stringit, adeoque & poros exhalantes cutaneas & tenuissima vascula contrahit, & omnia oscula in justo plus angustiore diametrum cogit, perspirationem insensibilem aut valde imminuit, quæ tamen, test. Sanctor. Medic. Static. de Pond. aphorism. LXVII. longe plenior esse deberet, quam omnes sensibiles simul unitæ, aut plane impedit, & reliquam circulationem & excretionem humorum retardat, hinc fordes eâ eliminandæ retinentur, & à peripheria ad centrum repelluntur, sicque humores inspissantur, (a) unde fieri haud aliter potest, quam ut augmentum Cacoehymix, gravitas membrorum, torpor ad actiones, & collectiones

(a) Junck, Conspect. Med. Theoret. Pract. Tab. III, p. mihi, 15,



lectiones serosarum impuritatum. v. gr. Coryzæ (b), Tussēs humidæ (c), Rheumatismi & Raucedines oriantur; Ex constrictione porro liber humorum circulus turbatur & congestiones, stases & inflammationes, variaque incommoda in exterioribus æque ac interioribus totius Corporis partibus oriuntur; partium enim harum tensio naturalis ad spasmum usque augetur, quo talium humorum postmodum facile fiunt translationes ad certas partes & viscera, ex quibus modo obstructions, modo inflammationes, modo dolores excitantur; hinc observamus in Capite vertigines, Epilepsias, Cephalalgiam, auditus difficultatem, in pectore asthmata (d), palpitationem cordis (e) tussēs; in abdomine colicas, (f), diarrhæas (g), cardialgias (h), malum hypochondriacum, hystericum, dolores & spasmos ex calculo; in extremitatibus dolores arthriticos. Si autem intense frigidus fuerit, sanguinis in partibus exterioribus stasin, & hanc excipientem gangrænam & sphacelum producit; sed ubi Corpus violenter movetur, fibræ & vasa frigore roborata potentissime in fluida agunt, illa attenuant, ut per sudorem exeant, unde voracitas, debilitas, animi deliquia, mors subitanea.

### §. X.

Aër calidus rarefacit, & superficiem corporis & sanguinem contentum expandit, orgasmum & hæmorrhagias excitat

(b) Junck. Conspect. Medicinæ Theoret. Pract. Tab. XXVII. p. mihi. 233.

(c) loc. citato: Tab. XXX. p. 258.

(d) dito: Tab. XXXI. p. 270.

(e) dito: Tab. XXXII. p. 278.

(f) dito: Tab. CVI. p. 828.

(g) dito: Tab. CXII. p. 866. [h] dito Tab. CIV p. 815.





citat, (a) perspirationem in sudores largos auget, dein aquosa, uosa, salina, volatilia dissipat, adeoque imminuit, siccitatem corpori inducit, reliquos humores acriores reddit, hinc im-  
meabilitatem humorum & debilitationem partium solidarum, somnum, coctionem impeditam, obstructiones, dolores, inflammationes facit, porro putrefactionem, alvum adstrictam, sitim, stranguriam,  $\square$ m rubram (b), morbos acutos, malignos epidemicos, test. El. Camer. in System. Cautel. Med. Cap. V. de morbis malignis pag. 239. dicente, "aërem æstu-  
" antem nimium ac diu prælagire morbos malignos epide-  
" micos, ipsam pestem, imo & eos producere, quoniam  
" simul scateat salibus causticis insectorum.

## §. XI.

Sequitur nunc aër humidus; hic fibras & vasa emollit in toto habitu cutaneo, unde sanguis & humores in itinere suo per corpus has alluentes partes & remotius à vi cordis positi tardius procedunt, destituti impulsu, quem ipsis harum partium debita tensio & firmitas impertiri debuisset, vasa exhalantia comprimit & perspirationem imminuit, test. Sanctör. tardius hinc ad cor regrediuntur, unde sanguinis & humorum circulatio languescit, corpusque torpidum redditur. Unde ophthalmiæ (c), diarrhœæ serosæ & febres catarrhales æque ac intermittentes, malignæ epidemiæ, test. El. Camer. (d) Hi aëris effectus humidi eminenter in pulmonibus fiunt,  
B adeoque

(a) Junck. Conspect. Med. Theoret. Pract. Tab. V. pag. 26. nec non Tab. VI. pag. 36.

(b) Boerhav. Institut. Med. §. 746.

(c) Junck. loc. cit. Tab. XXIV. p. 206. (d) loc. cit.



adeoque ratio patet, cur, pulmonum perspiratione cohibita, cujus tamen quinta pars per eos exire deberet, seroque perspirando in illis accumulato, tussēs, asthmata (a) peripneumoniæ serosæ humidæ oriantur. Aer ficcus fere eadem facit ac æstuans nimium aër. (b)

## §. XII.

Perspectis singulis aëris qualitatibus simplicibus occurrunt adhuc cum ejus qualitates mixtæ, tum repentinæ ejus mutationes: e. gr. e calida in frigidam & humida in siccam & vice versa. De mixtis aëris qualitatibus observationes prostant, quod, si diu persistant vel excedant, eo, quo simplices lædunt modo, noxam inferant corpori; & aër ficcus & calidus intense febres tertianas irregulares, epidemicas (c), quartanas epidemicas (d), intermittentes epidemicas, anomalas simplices & duplices (e), Dysenterias (f); aër humidus & frigidus spasmos (g), variolas epidemicas benignas & malignas (h), catarrhales benignas (i), hæmorrhoides suppressas decoloratas, fluxum menstruum suppressum, (k) congestiones (l); aër humidus & calidus easdem congestiones (m) producat. De subitaneis vero ejusdem mutationibus nemo forsitan dubitabit, quin ex iis iidem graves conti-

(a) Junck. Tab. XXXI. p. 270. (b) Bœrhave.

(c) Fr. Hoffm. Syst. Rat. Med. Tom. IV. P. I. pag. 19

(d) loc. citar. p. 56. (e) loc. cit. pag. 104.

(f) Junck. Cocept. Med. Theor. Pract. Tab. LXXVI. pag. 529.

(g) loc. cit. Tab. XLIV. p. 384. (h) Fr. Hoffm. loc. cit. p. 102.

(i) dito. pag. 126. Æ 135. (k) Junck. Tab. XV. pag. 116.

(l) citatus Auth. Tab. XVIII. pag. 142. (m) Tab. XXVII. p. 233.





morbi & congestiones (a) Coryza, gravedo, phlegmatorrhagia (b), diarrhæa, omnes generis febres, intermittentes & continuæ, inflammatoriæ & exanthematicæ, biliosæ & lentæ, Dysenteria, alique morbi epidemici oriantur; licet è qualitate satis nociva, e. gr. humida vel frigida in meliorem, scilicet calidam, eandemque temperate calidam, & ficcam convertatur, nec certe noceret, nisi subitaneæ mutata esset; Quamvis enim qualitatis frigida vel humida mutatio in calidam & ficcam valde conveniat, ex prægressa tamen qualitate humida vel frigida humores adhuc abundant, qui subito accedente aëre calidiore denuo halituosas cutis excretiones quoque remoratur, unde catarrhi simplices, arthritides, Rhevmatismi & humorum corruptiones (c).

### §. XIII.

Dictum fuit §. III., effluvia replere aërem mira varietate & miscela undiquaque, & prodire nunc ex aquis stagnantibus & putrescentibus, vel variis sordibus, nunc ex Mineralibus, nunc ex plantis hypnoticis, fumo, variisque animalibus; Restant ergo eorum qualitates perspicere, quæ sunt vere virulentæ, & quas dividere licet in exhalationes putredinoso-verminosas, & salino-Causticas & Narcoticas. Ex classe exhalationum putredinoso-verminosarum sunt, quæ prodeunt ex variis sordibus: e. gr. fimis, insepultis cadaveribus, regionibus vel natura vel ex inundatione paludosis & putrescentibus, cruore animalium, speluncis profundioribus nebulis,

B 2

bulis,

(a) dito. Tab. XIX. pag. 154. (b) Tab. XXVII. p. 233.

(c) Fr. Hoffm. Syst. Rat. Med. Tom. I. pag. 526.



bulis; Ad classem exhalationum salino-causticarum & volatilis indolis pertinent, quæ assurgunt ex mineralibus acidis, ex infectis vel animalibus venenatis, locis paludosis, Frigore, Aëre, calce. Classis vero narcoticarum continet vapores Aëris, carbonum ardentium, fumum candelæ sebaceæ extinctæ, plantas narcoticas; quæ virulentæ exhalationes omnes ad interiora corporis penetrantes quam celerissime universi corporis vitales motus pervertunt. De effectum harum exhalationum putredinosarum Sanctorius (a) ita differt: "Aër cœnoscior & ponderosior convertunt invisibilem  
"transpirationem in ichorem, qui retentus & deinde non  
"resolutus magna ex parte in cachexiam facessere solet;" solidorum enim energiam infirmant, liquida inspissant, humorum motum retardant & perspirationem (b) prohibent; quapropter ab effluviis hisce putredinoso-verminosis observare licet febres intermittentes epidemicas, endemias, febres malignas contagiosas, dysenterias, febres catarrhales malignas, petechizantes (c), petechiales veras, purpuratas (d) & pestem (e). Ab effluviis vero salino-causticis & volatilis indolis insignis sæpe strages hominum pecorumve, febres ardentes, asthmata (f) cephalalgia (g), ophthalmia (h), angina (i), hæmophyses (k), phthises (l), ulcuscula nigricantia,

(a) Med. Hætic. Sect. II. aphor. VI. (b) cit. loc. aphor. VIII.

(c) Junck. Consp. Med. Theol. Pract. Tab. LXXI.

(d) Fr. Hoffm. Syst. Rat. Med. Tom. IV. P. I. pag. 207.

(e) Junck. loc. cit. Tab. LXXVII. (f) Junck. Tab. XXXI. p. 270.

(g) loc. cit. Tab. XXI. p. 186. (h) dito. Tab. XXIV. p. 206.

(i) Fr. Hoffm. Syst. Rat. Med. Tom. IV. P. I. pag. 393.

(k) Junck. loc. cit. Tab. VIII. p. 46. (l) ibid. Tab. XXXIII. p. 291.





cantia, pustulæ, aliæque maculæ hinc inde oriuntur. Narcotica vero lædunt, necantque principio vaporoso *Ai*, quod partim secretionem fluidi nervei, partim verò motum fluidi nervei imminuit aut plane cohibet, ex qua, somnus profundus & mentis alienatio oriantur, necesse est.

#### §. XIV.

Sed cum ab initio promissum fuerit, indicare quid sibi velit τὸ θεῖον Hippocratis, quid veteribus fuerit, & utrum adhuc nostris temporibus exsistat, & quid nostris temporibus τὸ θεῖον Hippocratis sit & significet, accingimus nos jam ad promissa solvenda. Collocarunt nempe quidam hoc divinum Hippocratis in aëris constitutione quacunque, modo illa ad morbos excitandos apta sit; alii latentius quid esse cognituque difficilius, in aëre & alimentis hærens, toti substantiæ nostræ adversum suspicati sunt; fuerunt, qui illud in aere quidem ponerent, verum à cœlo vel sideribus oriri & morbis epidemicis pro gignendis aptum esse arbitrarentur; alii illa, quæ adeo obstrusa sunt in morbis & causis eorum, ut neque sensuum neque rationis ope intelligi possint, τὸ θεῖον nominarunt; quibus proxime accedunt, qui ea, quæ extra ordinem in morbis eveniunt, huc retulere; fuere denique, qui divinum Hippocratis a Deo ipso derivarunt (a), alii, qui morbos a Magis inductos hic admiscere (b), tandem etiam, qui omnia huc retulere (c).

B 3

§ XV.

(a) Gesner in Dissert. de Divino Hippocratis habita. A. 1739. Göttingæ.

(b) Gesner loc. cit. & El. Camerar. in Dissert. ejus quod additum est in morbis.

(c) Storch in Proœmio de Requisit. Medici Colleg. Pract. Dn. Dr. Stahl's pag. 20.



## §. XV.

Hoc si rite perpendimus, non possumus non, quin & nostris temporibus quasdam hujus divini species admittamus, & adhuc interdum in morbis omnis generis, maxime autem in epidemicis & malignis existere confiteamur, teste Dno D. Hoffmanno (a), qui inquit: “ non negandum, cœlestem  
 “ quandam vim nonnunquam intercedere in curationibus, ut  
 “ quicquid etiam, quanquam exacte, moliatur Medicus, feli-  
 “ ci tamen careat successu. “ Et D. D. Krause Professor Jenensis in Programmate de turba Medicorum dicit: “Nec Me-  
 “ dici Præctici digitum Dei sive τὸ Θεῖον in morborum cura-  
 “ tione negare possunt, cum illud apud ægros interdum sa-  
 “ tis manifeste, sæpeque cum stupore deprehendatur, prout  
 “ facile demonstrari posset, si tempus id pateretur, „ cum  
 quò consentit D. Behrens in Select. Medicis p. 7. qui ad illas octo rationes, ob quas morbi non semper feliciter curari possint, refert indolem morborum, qui ob occultas & soli Deo cognitæ causas incurabiles sunt.

## §. XVI.

Nos autem in hac (§. XIV.) allegata sententiarum diversitate nec decidentes, nec diversas tamen has sententias plane negantes præterimus reliquas sententias, siquidem in Hippocratis Libris loca inveniuntur, ubi hoc divinum in plane aliis causis, quam in aëre, ponit, & tantum primæ inhæremus, asserimusque, hocce τὸ Θεῖον Hippocratis pariter aëri inesse, dum Hippocrates ipse hoc divinum ad aërem retulit  
 in

(a) in fundament. Med. pag. 194





in Libro de Morbo sacro, cui consentit Galenus (a), qui, divinum hoc Hippocratis esse aeris nos ambientis constitutionem, confirmat, interim hanc ipsam aeris constitutionem non definit, sed, si conjecturæ locus est, unamquamque aëris *καταστασιν* huc retulit, modo ad morbos generandos aliquid conferat, nec inepte concludit, cum ab Hippocrate ipso (b) aer maximus, quæ corpori accidunt affectiones, dominus dicatur, quin sol, frigus, venti expressis verbis divina vocentur (c) §. XII. demonstratum fuit, quanta sit mutationibus aeris repentinis efficacia in producendis variis, iisque gravibus morbis, & toti libri Epidemiorum pleni sunt locis, ex quibus apparet, Hippocratem omnino ad aeris, tempestatum & anni temporum mutationes attendisse, & Aphorismorum Sect. III. pene tota in eo versatur, ut ea, quæ in corpore humano temporum & tempestatum varietate efficiuntur, diligenti observatione collecta & ad certas leges redacta proponantur. Joh. Fernelius (d) voce *τὸ θεῖον* totius substantiæ morbos, & illos quidem vel solos vel aliis morbis implicitos complexum esse putat; totius vero substantiæ morbos vel simplici corruptione vel putredine constare arbitratur, quæ ipse sæpe ex manifesta, sæpe etiam ex occulta causa originem habeant, & inter has occultas causas refert etiam aeris constitutionem, non generalem illam, quæ à Galeno indicatur, sed morbidam aliquam excretionem in aere hærentem, totī nostræ substantiæ  
inven-

(a) in Comment. ad Hippocratis pronotiones.

(b) Libr. de flatibus. IV. 9.

(c) Libr. de morbo sacro XVIII. 20.

(d) in Libr. de abdit. rer. caus. Francof. 1575. seqq.



infensam, quæ nulla cogitatione, nullo sensu cognosci possit, cui consentit Hippocrates (a), qui νοσθησὴν ἀποκρίσιν in aere hærere & morborum epidemicorum causam esse affirmat. Sic & Hieronymus Mercurialis (b), illud quod divinum vocat Hippocrates in aere quidem esse, cum Galeno arbitratur, sed à cœlo oriri credit, quod in aerem ipsum qualitates benignas aut noxias imprimere existimat, eadem plane ratione ac cæteris corporibus terrenis reconditas qualitates largiatur; hanc igitur constitutionem & qualitatem aeris occultam ab Hippocrate divini nomine appellatum putat. Tandem & Prosper Martianus (c) per divinum in morbis aliquid ex aeris constitutione aut à cœlo ipso pendens ab Hippocrate indicari credit, a quo deinde morbi epidemii & in illis monstruosissimi effectus, ordinarias morborum leges deferentes, subnascantur.

## §. XVII.

Dignoscitur autem hoc divinum in epidemicis morbis eo, quod α) morbi epidemici, qua tales, ex communi causa multos ex populo adorianur; β) nec tamen, etiamsi hæc communis causa in aeris miasmatibus variis venenosis putridis consistat, omnes, quos morbus dein tractu temporis invadit, unò eodemque tempore simul corripiat, γ) quod in iisdem epidemicis non semper adsit malignitas; sic enim videmus interdum epidemice, sed valde benigne, grassari variolas, morbillos.

## §. XVIII.

(a) Libr. de Natura humana. XIX. 3.

(b) in perælect. de Pestilent. habit. Batav. A. 1577.

(c) in Comment. ad Prænot. pag. 479.





## §. XVIII.

In morbis vero malignis apparet τοῦ θείου, quod tanta miasmatibus aeri inhærentibus sit efficacia, actiones vitales absque causa manifesta subito destruendi, mentem turbandi, vires prosterndendi, & totam massam sanguineam in motu ac crasi alterandi, & homines plerumque cito enecandi. Observatur enim, quod ab initio tam insidiosè corpus irrepit, ut per plures dies (a), septimanas, vel plane duos tresve menses interdum latitet (b), interdum vero subito invadat, test. El. Camer. (c) in verbis: Wie schnell konte dieses Contagium gefast und auf diejenige transferirt werden, die gleichsam nur den Kopff in die von Kranken angefüllte Zimmer hinein gesteckt. Wie gieng das Ubel so schnell von einem zu dem andern in einem Hause oder in grossen Communionen, da alles gleichsam Schaar-weiß zugleich befallen wurde, und 30. und mehr übereinander lagen, und nicht wußten wie Ihnen geschähe. Ildo, quod tam graviter decumbant ægri, ut in incremento morbi vehementia symptomatum gradum febrium reliquarum, e. gr. si ex specie Catarrhalium sit, gradum catarrhalium benignarum, longe superet (d). Illtio, quod pleræque circumstantiæ seu symptomata singulare & insoliti quid alant, uti hoc observatum fuit in febre catarrhali epidemica (e) ab Elia Camer. in

C

verbis:

(a) Riedl. Cur. Med. pag. 262.

(b) Riedlin. Cur. Med. A. 1697. pag. 454.

(c) Kurze Anweisung von ansteckenden Krankheiten, pag. 11.

(d) Fr. Hoffm. System. Rat. Med. Tom. IV. P. I. pag. 127.

(e) Kurze Anweisung von ansteckenden Krankheiten.



verbis : aber dieses ist in dieser Specie solcher Kranckheit etwas verborgenes, besonders, τὸ σῆμα, ein sonderlicher übler Character, der eben wegen solcher schlimmen Art billich eine Malignität heisset"; & IVto, duratio ipsa adeo diversa fit, ut in aliis tribus, in aliis septem, in aliis vero pluribus & triginta demum diebus (a) absolvatur. Vto, quod solutio in eadem malignarum febrium specie diversissima sit, & modo per Crisin perfectam modo imperfectam vel per Crisin morbo alias plane inconvenientem fiat, nec idem morbus in omnibus unam eandemque Criseos speciem servet, sed mox per expectorationem, mox sudorem, modo □am, l. aqueam (b) vel coctam, modo diarrhœas solas, modo crebras alvi dejectiones & petechias (c) aliaque exanthemata fiat, & ea excretionis species, quæ in quibusdam Critice morbum solvit, in aliis symptomatice quasi noceat, teste El. Camer. (d) in verbis: " Dahin auch die Diarrhæe zu referiren, die bey einigen " die Kranckheit critice solvirt, bey andern symptomatice sehr " vermehrt und beschwerlicher durch ungemeine Abmattung gemacht." Et Scheuchzero (e), qui pag. 5. inquit: " bey andern Blutflüsse, welche auch ein Vorbott des Todes gewesen, & pag. 11. Wann hier oder da in der Nasen, Mutter, " Dårmen, güldenen Aldern die Schårffe begleitet mit gewaltthätigen

(a) Riedlin. Lin. Med. A. 1698. pag. 24.

(b) Riedl. Cur. Med. p. 627.

(c) loc. cit. p. 580.

(d) kurze Anmerckung von ansteckenden Kranckheiten.

(e) Λοιμογενεφια Massiliensis.



" thätiger Bewegung, Entzündung, durch Brüche, so entste-  
 " hen Blutflüsse, welche, wo sie starck gewesen, den Patienten  
 " in den Tod gestürzet, da hergegen eine mäßige Auslährung,  
 " sonderlich bey Blutreichen Leuthen, zur Gesundheit beförder-  
 " lich gewesen;" Tandem vero Vltio, quoad declinationem,  
 symptomata consequentia satis diu persistant, & lentissime disce-  
 dant (a), aut in declinatione demum perimant (b), quorum  
 phœnomenorum omnium causa satis difficilis est explicatu.

### §. XIX.

Sentio autem in phœnomenorum epidemicorum causa  
 sic: Primi nempe phœnomeni causa est communis, & nil  
 aliud est, quam aër variis nocivis qualitatibus & pravis ex-  
 halationibus refertus, quæ exhalationes, si quosdam simul  
 invaserunt, atque in eorum corporibus sese multiplicarunt,  
 & per varias excretionum species critice ejectæ & aëri denuo  
 demandatæ fuerint, sensim sensimque plures corripunt, atque  
 hac ratione, quoad phœnomeni secundi causam, endemia fit,  
 consentiente El. Camer. (c) dicente: " Wann solche Kranck-  
 " heiten eine Zeitlang grassiren, ungemein viele von einander  
 " angesteckt werden, mithin die Luft mit solchen verdorbenen  
 " Ausdünstungen in engen Wohnungen, Gassen und Orten  
 " sehr angefüllt wird, da wüßte ich eine solche Luft an einem  
 " solchen Ort nicht anderst, als angesteckt und inficirt zu nen-  
 " nen,

C 2

(a) Riedl, Cur. Med. pag. 684.

(b) loc. cit. pag. 559.

(c) kurze Beschreibung von ansteckenden Kranckheiten, p. 27. & 28.



"nen, als die in der That voller Miasmatum und schädlicher  
 "Dünste stecket, die in andere Leiber nicht ohne Gefahr über-  
 "gehen." Tertii autem phœnomeni causa dependet vel à  
 mole vel ab activitate miasmatis in corpus delati.

## §. XX.

De causis vero Malignitatis hæc subest ratio; quod hoc  
 miasma sit ut plurimum putridum, quod per motum sangui-  
 nis progressivum & intestinum, quoad partes in se continen-  
 tes, & putredinem constituentes, augetur, (adeoque vis  
 multiplicativa abs authoribus credita omnino pro vera est ha-  
 benda) quo adaucto, & per totam massam Sanguineam di-  
 stributo non potest non systema nervosum insignem pati de-  
 trimentum, sic ut vires præter morem debilitarentur, unde  
 insignis lassitudo, deliquia & tandem mors insequuntur.

## §. XXI.

Ex his igitur, etsi non omnia, tamen plurima Malignorum  
 morborum Phœnomena resolvi posse, firmiter persuasus sum.  
 Siquidem, quod Phœnomenum primum, insidias nempe, atti-  
 net, & quod diu tam interdum lateat, certum est, quod mias-  
 ma putredinosum in hoc casu adhuc valde langueat, & tan-  
 tum temporis ad sui multiplicationem requirat; si vero subi-  
 to invadat, causa est, quod miasma putredinosum sive in fa-  
 tis magna mole sive satis activæ indolis corpus irrepperit,  
 quod dein sine longa temporis mora nervos humoresque læ-  
 dendo





dendo par sit, & quoad Secundum Phœnomenum, vehementiam symptomatum nempe, causa est, quod ejusdem indoles putredinosa, continuante adhuc motu circulatorio & intestino, aucta sit, eoque ipso autem ex adaucto miasmate putredinoso gravissima symptomata oriantur, & pro activitate miasmatis majori minorive citius tardiusve aut ad salutem aut mortem determinetur, necesse est; quoad tertium phœnomenum insolita scilicet illa symptomata, ratio est, quod miasma illud aut magna mole, aut insigni activitate, aut plane, id quod probalissimum est, adhuc quoad qualitatem incognitum corpus penetraverit; quoad quartum Phœnomenum, durationem nempe, Causa, præter corporis constitutionem, consistit maxime in activitate & Aitate, subtilitate Miasmatis, ex qua causa citius tardiusve corrigi, inverti, eliminari, aut figi potest, aut, si male excedat, imminui potest; præprimis peccat hæc Aitas & subtilitas miasmatis in phœnomeno quinto, quod plerumque tantæ sit subtilitatis, ut cum humoribus non sufficienter possit subigi, atteri, & ad vasa excretoria deferri, aut, si defertur, usque ad tempus excretionis detineri possit, sed semper rursus per vasa revehéntia & massæ humorum admisceatur, unde Crisis protrahitur; si vero paulo crassioris sit consistentiæ, sic, ut intra vasa ad tempus excretionis asservari, & dein, saltem quoad maximam partem, simul excerni possit, adeoque larga evacuatio fiat, oritur Crisis perfecta. Quoad sextum denique phœnomenum, declinationem nempe, notum est, in aliis morbis benignis vel inflammatoriis vel ex-



anthematicis causam morbi per Crisin non semper semel ac simul excerni, sed quasdam interdum excretiones requiri ad plenariam causæ morbificæ excretionem; Hoc igitur si fiat in morbis alias sic dictis benignis, non est, quod dubitemus de malignis, cui accedit, quod hæc putredo, quæ malignitatem constituit, non solum nervis quam maxime sit infensa, eo, quod vigente motu adhuc tonico fluidum nerveum dissipetur, sed & ob ipsam putredinem nervis non purum & temperatum, sed impurum & intemperatum fluidum advehatur.

## §. XXII.

Perlustratis nunc plurimis Malignorum causis, probatoque Divino Hippocratis in aere, quod præcipue in ejus miasmatis putredinosis consistit, indoles horum miasmatum adhuc perscrutanda est, quam vero maxime à posteriori, scilicet ab effectu, expiscari licet. Exactior enim docuit experientia, quod in febribus ad indolem pestis accedentibus, alcalium contraria, acida nempe, insigne afferant auxilium, econtra, TRæ alcalinæ & diaphoretica calida massam humorum exagitantia, maximum inferant damnum; rite igitur conjicitur, pleraque miasmata esse plus alcalinæ, quam acidæ, indolis, utpote quæ sola massæ humorum nimis resolvendæ quam maxime sunt idonea, quapropter & miasma pestiferum aliaque morbos malignos epidemicos inducentia cum Frid. Hoffmanno (a) haud immerito pro causa harum febrium epidemicarum

(a) Fr. Hoffm. Syst. Rat. Med. Tom. IV, P. I. p. 288.





micarum malignarum & in iis Resolutionum humorum alcali agnoscunt.

### §. XXIII.

Dixi, pleraque, sed non omnia, miasmata esse alcalinæ indolis; morborum enim malignorum epidemicorum symptomata interdum adeo differunt, ut neque ad indolem alcalinam neque acidam plane referri possint, test. Hoffmanno (a) in verbis: “Qui diu in artis exercitio versati sunt, iis non  
“ obscurum esse potest, quo habitu & more subinde diversissimo quotannis fere incedunt epidemici morbi & modo  
“ has, modo illas partes hostiliter aggrediantur & diversis ac  
“ sæpe dissidentibus symptomatibus infestent. Veteres eorum causam ad *τὸ θεῖον* referebant. Nos materiis tenuioribus, virulentis & variæ indolis in aere potissimum volitantibus eos adscribimus, & eorum diversam naturam à diversa harum materiarum indole deducimus. Est enim aer universale quasi menstruum, quod expansiva sua elastica vi & materia ætherea calida ex omnibus corporibus subtiliores partes solvit, abripit & imbibit, quæ diversissimæ naturæ exhalationes per mutuum conflictum, combinationem & miscelam, intercurrente solari & cœlesti copiosa materia varias formas ac texturas induunt“, & in fine addit: “Quidni igitur pro diversitate effluviorum, quo certis in districtibus è terra exhalant, & pro anni tempore variant pro diversa solis operatione & ventorum flatu, varia in aere  
“ feminia

(a) Fr. Hoffm. Syst. Rat. Med. Tom. II. p. 227.



“ seminia salina,  $\Delta$ rea, fabricari possunt, quæ in corporis ca-  
“ vitates admissa differentes epidemicas vel etiam endemias  
“ afflictiones inferunt, quorum tamen indolem ac vires po-  
“ tius à posteriori & effectu, quam à priori per sensus & ra-  
“ tionem cognoscimus. “ Ex quibus, cum variorum horum  
seminiorum salinorum  $\Delta$ reorum indolem & naturam non ex-  
presse indicet & determinet, clare apparet, omnem miasma-  
tum naturam & indolem nondum cognitione exhaustam esse,  
sed in ipsa miasmatum occulta qualitate το σέρον consistere,  
adeoque adhuc eo, quo veteres intelligebant, sensu  
admittendum esse, & revera adhuc inter-  
dum existere.

*T A N T V M.*

